

夏桂洲奏議



09862

桂洲夏文愍公奏議第四卷

諫垣集卷之四

奉勅查勘青羊山平賊功次以明賞罰疏



臣欽奉勅兵科都給事中夏言節該巡撫都御史等官潘垣等奏稱山西潞城縣青羊山賊情已寧各來奏捷續該爾奏稱都御史常道始則輕謀妄動輒興兵端既而好事微功驅民爲盜都督魯綱久奉朝命遷延在途未嘗與賊交鋒妄稱對敵斬獲等情皆有罪可論所宜黜罰及稱近日進兵機宜平盜方略盡出都御史潘垣經畫并副使等官翟瓚牛鸞楊朝鳳陳大綱等皆有功桂洲奏議

卷之四

一

可錄所宜旌賞及要處置青羊山後來事情乞遣差風力給事中前去勘處朕惟賞功罰罪必合公論思患預防必須慎處朕以爾之奏况爾風力可稱特就勅爾前去彼處地方會同各該巡撫巡按查勘青羊山前項叛賊起自何年是何官員失於撫捕何官激迫爲亂近日斬獲招降果係何人計處方略各該主客官軍孰爲有功孰爲有罪分別輕重等第照例造冊奏繳以憑陞賞黜罰如常道果有逼民爲亂妄動生事魯綱果有遷延不進妄殺報功等項情罪務要從實參究不許推避容隱就親歷青羊山地方會同巡撫督同三司等官勘議

應否設置衙門開修道路收降之人應否編甲安插山  
間田地應否起科開屯原奏內一切事情俱要區畫停  
當期於經久可行被賊殘害地方賑濟存卹等項亦就  
會同從宜區處應奏請者具奏定奪應該拘取聽審人  
員若地方寫遠聽爾於附近適中去處約會審查爾受  
茲委任必須盡心竭力熟思審處務使功罪得實賞罰  
有據處置得宜保無後艱斯爾之能爾勿畏憚當求至  
公稱朕委命如或苟且塞責罪亦難追爾其慎之慎之  
故勅欽此欽遵先該准通政使司經歷司手本爲地方  
賊情乞發天兵以速平蕩事准職方清吏司手本奉本

桂洲奏議

卷之四

二

部連送該本部題本司案呈奉本部送兵科抄出提督  
山西河南兼鎮守河間等處總兵官左軍都督府都督  
同知魯綱題奉聖旨兵部看了來說欽此又該提督鴈  
門等關兼巡撫山西右僉都御史常道題爲擒斬強賊  
先挫鋒銳事又題爲官兵深入賊巢招降千餘名口事  
又該巡撫河南右副都御史潘埏題爲地方賊情乞發  
天兵以速平蕩事又題爲飛報捷音事又該山東按察  
司整飭青羊兵備副使牛鸞奏爲捷音事又該都御史  
常道題爲擒斬招降強賊事又該山西巡按監察御史  
穆相題爲招降賊眾事又該山西巡撫右僉都御史王

應鵬題爲捷音事又該都御史潘墳題爲征剿逆賊功完報捷事俱奉聖旨兵部看了來說欽此又該都御史潘墳題稱行據軍前紀功僉事祁鶴呈將查過招降并擒斬男婦開坐奉聖旨兵部知道欽此又該兵科都給事中夏言等題爲查勘平賊功次處置地方以明賞罰以圖久安事奉聖旨你每說的是這起山賊本因官司所激今常道魯綱卻乃冒功飾過就着夏言前去查勘明白分別功罪奏請定奪不許避難寫勅與他該部知道欽此欽遵通抄到司查得先爲飛報賊情事該本部題奉聖旨這賊情待各官奏報至日你部裏一併看了

桂洲奏議

卷之四

三

來說原擬陞賞條格便查照舉行欽此及查得先爲大勢強賊舉火劫財殺死人命等事該山西鎮巡等官都御史常道等題稱潞城縣青羊地方強賊陳卿父子兄弟稔惡劫殺乞要查議撫剿該本部覆題奉聖旨這起強賊糾眾劫殺貽患地方本當痛加誅剿但恐中間脅從者多情罪不同着山西河南各巡撫會同各鎮巡官嚴督守巡等官從宜起調附近衛所州縣官軍兵夫委的當官管領約會夾攻務將有名賊首陳卿等多方設法緝捕得獲明正國法其餘脅誘逼虜的果能聽令解散及擒斬賊夥送官應撫應賞鎮巡官議奏處置如或

執迷稔惡結聚不散卽便分布官軍防守相機剿殺務要殄滅以靖地方勿得玩寇殃民自取重責欽此又爲強賊勢眾拒敵殺人添調慣戰官軍剿除事該都御史常道等題稱要調三關精銳馬步官軍各五百員名前去追殺等因本部題奉聖旨是這強賊據險爲患已久各該地方官軍不早設法擒捕以致聚集徒眾敵殺官兵大肆猖獗本都當究問但在用人之際姑從寬該道守巡及該府衛州縣掌印巡捕等官都着住俸戴罪殺賊鎮巡官便調取三關精銳馬步官軍選委謀勇都指揮等官前去會合該地方官軍民兵相機誅剿務期盡

桂洲奏議

卷之四

四

絕仍出給告示曉諭脅從之人有能自首解散者悉免本罪獲功賞格依擬行還行鄰境官司嚴加防守把截勿令奔逸貽患若各分彼此致誤事機一體重治不饒欽此又爲請處賊情以圖早安地方事該山西巡按穆相王獻題稱都御史常道意雖除患跡涉輕妄都御史常道題稱姦黠之賊全恃山險乞要副總兵趙廉統領三關官軍兼令節制河南本部議擬覆題奉聖旨這起強賊倚恃山險敵殺官軍數多又執留職官情罪深重前已有旨調取三關兵馬會合各地方官軍民兵剿殺如何致令猖獗本都當提問但緊急用人之際且都記

着你部裏便行與趙廉着將三關事務交與邵定帶管  
量選精銳馬步官軍一千員名前去附近地方駐劄募  
選慣能出入山險鄉導槍勇打手四五百名其河南守  
巡領兵等官悉聽節制相機進剿以靖地方朕又念爲  
惡賊首不過陳卿父子十數人多有良善之家被其脅  
從若一槩剿滅誠所不忍你部裏還宜宣布朝廷德威  
刊刷黃榜分布張挂曉諭凡被脅之人聽投首解散不  
許官軍擅行殺戮報功有司仍給與執照安插其諸色  
人等有能擒斬陳卿父子及有名賊首的賞銀三百兩  
軍職陞三級世襲軍陞實授百戶民授土巡檢職事仍

桂洲奏議

卷之四

五

將犯人財產給賞如陳卿父子兄弟及同黨之人自相  
擒獻者悉免本罪仍照數給賞有能倡率深入賊巢招  
撫餘類及自能招撫的都照你部裏議定賞格行仍依  
擬選差里老并見拘陳卿家屬着齋執榜文諭令陳卿  
等果能束手聽服先將執去職官王朝雍等送出許赴  
軍門自訴日前誣招裝陷致變情由奏聞朝廷處治若  
仍前負固不悛各該地方官軍即便督率進剿其鄰近  
地方俱要嚴加防守把截勿致奔逸貽害地方前項失  
事官員務要同心協力以功贖罪事寧之日撫按官通  
查功罪奏請定奪欽此又爲陳言急救茶毒德化強賊

免調官軍以蘇民困以安地方事准吏部咨該聽選監生李克紀奏該吏部尙書桂萼看得李克紀奏稱生長近山稔知其事欲乞深入諭以朝廷之威導以自新之路首惡可以不久就擒脅從可以不攻而破自願單騎往彼以身率先亦其志也咨部覆題奉聖旨是這監生便照例應付送去巡撫處贊畫聽用果能設法計擒前賊安靖地方准令該選職事上加陞三級仍照原擬給賞以酬其勞欽此又爲不職撫臣用兵失律以貽害地方事該兵科給事中商大節題本部覆題奉聖旨是常道且不究着用心調度殺賊以贖前過仍照前旨待事

桂洲奏議

卷之四

六

寧通查功罪輕重上請定奪欽此又爲送回知州官員等事該山西巡按穆相題本部覆題奉聖旨是腹裏愚民恃險爲亂比之夷狄不同赤子盜弄兵革恐亦有因撫剿二端正宜並行不悖常道穆相所奏皆不爲無見正宜相濟爲用觀其奏詞似多相訐且都不究卿等議處深合事宜便行與各官查照依擬處置應撫應剿徑自從宜施行務在同心協力以安地方不許偏執已見阻撓誤事仍行山東巡撫着副使牛鸞挑選慣戰鎗手操練聽候若前賊執迷不悛卽調牛鸞領兵前來痛加誅剿楊良臣改太原府通判添註管事仍留軍前聽用

待事寧之日并王朝雍等有功有罪人員一併查議定奪欽此又爲請處賊情以圖早安地方事該都御史常道題本部覆題奉聖旨是這賊情已屢有旨了你部裏便行與撫按官督同兩省官軍相機撫剿務在同心協謀以靖地方仍着查訪前項各賊出劫地方失事人員奏來處治欽此又爲撫安賊盜寧靖地方以安人心以全民命以免天兵剿捕事該都御史常道等題要推舉大臣提督本部題奉聖旨這地方賊情已屢有旨着相機捕剿鎮巡三司等官彼此牴牾調弄繁文全無計處方略豈不養寇貽患常道巡撫山西若只令防禦北虜

桂洲奏議

卷之四

七

腹裏地方失事彼將得以辭責巡按職在糾察亦難令其專理潞城等處賊情還行與各官遵照前旨及你部裏節次計處事宜再行差人入山曉諭陳卿等禍福利害如果畏罪悔過將先日敵殺官軍賊首計擒送官卽免其罪果有誣枉聽其具訴伸理倘若執迷不悛陽順陰逆卽便調集主客官兵相機剿捕不許隱情姑息巡撫合行之事巡按勿得立異阻撓若常道不堪委託你部裏指實叅來別差大臣前去整理欽此又爲陳言急救茶毒德化強賊調免官軍以蘇民困以安地方事該贊畫監生李克紀奏乞要將撫過人口量給官粟蠲其

賦稅本部議行鎮巡官查議具奏定奪去後又爲亟剿逆賊以靖地方以杜後患事該兵科給事中孫應奎題稱山賊陳卿爲惡不悛乞調相應人馬責付謀勇將官因時制宜剿捕本部覆題奉聖旨是着魯綱量選所部各地方慣經殺賊官軍并原帶京營軍馬前去衛輝彰德附近地方駐劄山西河南二省守巡兵備守備等官各統所部官軍民兵俱聽魯綱節制調遣如果各賊執迷不悛虛文聽撫不曾束身歸罪即便督軍相機進剿常道也就移在潞城臨近去處與魯綱相爲犄角共圖成功若各賊輸情悔罪將先次敵殺官兵首惡人犯綁

桂洲奏議

卷之四

八

獲送官明正典刑仍照前旨無處具由回報欽此又爲地方賊情乞發天兵以速平蕩事該山西巡按蔣暘題前事覆題奉聖旨是這山賊恃險爲亂屢有明旨招諭未見悔罪懾服顯是假以聽撫緩我兵機會兵征剿勢不得已潘墳着在彰德衛輝等處駐劄常道照前旨移近潞城地方各調該管官軍民兵督委二司官員陳大綱翟瓚等與總兵魯綱所統官軍協力會謀待天氣稍涼相機合兵進剿副使牛鸞所統馬步軍兵亦照原擬調來聽撫巡官調遣委用若兵馬未進之先各賊果能東身投首將敵殺官兵兇犯擒拏送官明正典刑仍照

前旨撫處欽此又爲剿叛賊以靖地方事該巡按直隸御史段汝礪題稱潞城山賊負固旣久地連三省兵兼四出事權不一添設總制本部覆題奉欽依通行訖又爲地方賊情乞發天兵以速平蕩事該總兵官魯綱題本部議擬覆題奉聖旨這山賊恃險構亂擾害地方本因撫按官不和不能早擒致被屢諭不悛復又糾集衆多事亦有由常道撫剿久無成功吏兵二部卽日會推相應官員星馳前去交代畢日着回京該州知州另擇才能濟事的調用調兵并賞賜事宜都依擬行各該官員務要協力同心設法撫剿相機行事不許仍前彼此桂洲奏議

敵我師傷我指揮等官三十四員殺死軍民人等不下千百罪惡至此已不可赦而聖心惕然猶欲開其自新之路揭是黃榜遣人招諭聽其解散下山許以不死而執迷不悛既不將脅從之人遣發下山亦不肯將先次敵殺官軍首惡兇犯綁獲送官陽順陰逆以緩我兵比者都御史常道屢言之而沮不得行後御史蔣暘又極言之兵部覆奏荷蒙采納命魯綱會同兩省巡撫議處進兵眾心稍快等因奉聖旨朕覽卿等所奏已別有旨了該部知道欽此又該少傅謹身殿大學士張璠題稱昨承聖諭欲掣回潞城討賊之兵更易巡撫官着用心

桂洲奏議

卷之四

十

設法撫剿或待其自定夫更易巡撫官設法撫剿仰見聖謨之所在矣如掣回兵馬或待其自定非愚慮所能及者夫自古帝王未有不誅天下之亂者也孟子稱文王一怒而安天下之民武王亦一怒而安天下之民皇上一怒而安天下之民以大振中興之業此其機也昔唐吳元濟反於淮西憲宗命諸將討之元濟求救於逆黨王承宗李師道二人數表請赦元濟不從已而王師無功乃遣中丞裴度詣行營宣諭度還言淮西必可取制誥韓愈言淮西三小州殘弊困劇之餘而當天下之全力其破敗可立而待然所謂可知者在陛下斷與不

斷爾已而淮西果平臣切惟唐之有吳元濟不啻今日  
之有陳卿也裴度謂淮西腹心之疾不可不除猶今日  
潞城爲京輔近地不可容亂賊所據也彼謂師老財竭  
欲請罷兵猶今日有欲罷兵之言者也倘蒙聖斷駐兵  
征剿平此一方則威行於沿邊風聞於天下潞城則中  
國之寇魁首尙在敵殺官軍凡三十四員屠戮生靈無  
算誠不可不誅等因奏奉聖旨朕覽卿奏已別有旨了  
該部知道欽此又爲訪報賊情事該本部題據原差千  
戶薛永稟稱青羊山賊徒聞兵往征結聚肆行搶掠於  
本年八月初八等日大搶林縣潞城黎城壺關等縣地  
桂洲奏議

名任村等處村店等情爲照都御史常道奉旨致事卽  
今正係地方有事之時合無馬上差人催新調都御史  
王應鵬作急前去山西會同河南都御史潘垣總兵官  
魯綱副使牛鸞遵照本部節次題奉欽依內事理查照  
舉行如果前項失事干礙守巡等官李際可陳大綱指  
名參奏等因題奉聖旨是山西賊情緊急便馬上差人  
齎文與王應鵬不必等候交代星馳前去潞城附近地  
方駐劄會合魯綱牛鸞等嚴督調到官軍協力夾攻相  
機剿殺務早成功以靖地方失事人員指實具奏區處  
欽此俱經通行欽遵外今該前因通查案具到部看得

都御史常道題奉副使牛鸞十月初五日進兵指揮查瑤千戶劉岱魏堂百戶楊鼎寇岱督率總甲陳秩小甲王迪曾艾等三十人與賊對敵前後夾攻斬獲三顆殺死七名割取耳記七副生擒普連等四名今山東官兵當諸兵未集之先卽能擒斬一十四顆賊眾驚潰將來諸兵皆集卽可成功又題稱魯綱初八日至智度寺會遇河南兵賊遯東北山訖遣下巢穴已自燒燬牛鸞初八日又戰五井地方斬首二級生擒一名降者千餘名陳卿三弟兄之馬已得十一日僉事陳大綱領兵到谷堆底斬首二顆生擒五名投降二十餘名收獲牛羊近

桂洲奏議

卷之四

三

千及都御史潘墳咨內開稱初六日叅政陶諧報稱指揮吳捷土人儀賓郝世昌斬獲守隘劇賊殷得山等四名生擒二名招降男婦僧人一百一十名口副使翟瓚進兵擒獲姦細一名陸續擒斬逆賊宋子朝等二十五名投降男婦三百五十八名口又指揮吳捷毛世威等入山奮勇衝戰生擒賊首王章等及旗下收降一百餘名并燒燬賊巢男婦六百餘名口生擒七十六名斬獲首級五十顆奪回馬羸頭畜共二千頭初十日僉事溫濡報據義官史韜等官軍對敵斬獲耳記五副徐都司王守備次日領兵到彼又將餘賊收降十一日守備王

秉彝陣前擒斬并收降男婦五十名口陳相被我軍射死十一等日陸續擒獲賊卿同居親叔陳良等九名及各賊家屬斬獲首級耳記收降男婦六百餘名王章係主謀之人梁欽係陳卿之舅俱已生擒賊之黨類所遺無幾及照河南入山之路險遠而難山西出山之路平易而近今河南之兵奪其險據其腹從高而撲下自東而徂西先後招降并擒斬賊犯男婦共一千七百餘名奪獲馬羸驢牛羊旗鼓弓箭盔甲鎗刀等件都御史王應鵬題稱僉事陳大綱初九初十日在谷推底生擒有名賊一百餘名招撫男婦六百餘名牛羊馬羸一千餘

桂洲奏議

卷之四

三

十一日陳卿投降陳僉事營內并僉事楊朝鳳報十一日鄉夫王紀引送招降一百四十名指揮曾宣部下生擒三十九名斬首陳道倫牛子強等九顆賊老幼男婦一百二十名口并得馬羸牛羊數多又題稱僉事陳大綱督令鄉夫李聚良等招降首惡陳訪斬獲陳相首級生擒石虎等一十三名又招降賊首陳奉等八百及稱叅政李際可僉事楊朝鳳署都指揮霍錦先因失事住俸殺賊今各官於懲創之餘及能感激激思奮撫剿逆賊以收全功總兵官魯綱題稱十月初六日進兵初八日至智度寺直抵藥莊高嵩腦節遇大勢強賊會接副使

翟瓚僉事陳大綱官兵連日鏖戰初十日摘奇兵深搗柏木都碾鑽等處督令追敗者生擒拒敵者斬首投來者招降沿山搜匿盡絕查得陳卿等已被僉事陳大綱部下官兵擒獲陳琦等被副使牛鸞部下官兵擒獲臣部下指揮鮑鼎等官兵生擒強賊二十四名斬首二十四顆招降男婦一百餘名旬日之內遂平數千之賊又稱都御史常道調集官兵處給軍餉設策進山運謀擒寇都御史潘墳設奇定策籌畫平寇新任都御史王應鵬接理運謀以獲大捷俱綜督勞績相應獎勵副使牛鸞翟瓚僉事溫濡署都指揮同知徐溥僉事陳大綱督桂洲奏議

擒五名降服一千餘名又奏稱戒諭軍士止許生擒劉  
銳不許斬首貪功及密令劉岱陳秩等市民魯浩錦手  
呂暹等直搗青羊石返頭之巢遂獲賊卿馬匹連鞍及  
妻子路氏十名口查瑤等生擒陳琦石龍周子原等斬  
首王得實等四十六名耳記二十四副及獲鎗刀響器  
盔甲等件賊首石廷章被陳秩殺敗趕入石洞用火攻  
之查太等復拏陳相陳奉各家屬張氏等十四名仍令  
韓英各路招撫牛聚才等九百餘名巡按蔣暘題稱陳  
卿等稔惡累年流毒二省仰承廟算羣賊授首及稱都  
御史常道措處規畫志期殄滅都御史潘埏指授方略

桂洲奏議

卷之四

五

算無遺策總兵官魯綱副使牛鸞翟瓚僉事陳大綱等  
皆登高履險身先士卒指揮曾宣查瑤及有功軍士人  
等俱裹瘡血戰奮勇奔敵乞要追查賞勞激勵人心各  
一節臣等嘗觀兵威莫重於剿殺而後法令可行德政  
莫先於撫綏而後惠澤遠布故虞舜必征苗乃格文王  
必伐崇乃降古今一道而已叅照山賊陳卿本以脫逃  
罪囚倚居山險乃敢不畏國法蹈積祖之爲非踵父兄  
之不軌招集流移亡命爲彼烏合爪牙劫財殺人敵殺  
官兵貽患諸省先該守臣奏要誅剿本部查議覆題仰  
惟皇上體念好生之德不忍濫及無辜止罪陳卿父子

有名數人其餘脅從聽其解散夫何此賊不知悔悟又  
監生李克紀與通判楊良臣節次撫諭而自懷疑懼是  
以內閣元臣及科道等官屢言征討而調集兵糧今提  
督鎮巡等官乃能督勵將士四面合攻旬日之間賊首  
遂爾就戮餘黨果已招降渠魁陳卿勢窮奔竄無及亦  
已就擒巢穴蕩平地方寧靖上黨閭閻之老穉胥慶獲  
安鄰藩上下之供需咸期休息野火一時絕焰山靈千  
里無虞實由我皇上至仁大德神武不殺之威廟堂元  
老協謀贊襄官兵用命肆集之所致也平盜偉績真爲  
可錄驛道喧傳人心稱快爲照上天生物之道在陰與

桂洲奏議

卷之四

六

陽聖人致治之規在刑與賞所以然者陽以生物陰以  
肅物而後歲功成刑以除患賞以報功而後王化行自  
古帝王致治率不外此提督總兵官魯綱綜理戎務分  
布得宜河南都御史潘垣設策運謀竭力成功今致仕  
都御史常道身方離任心已久勞新陞山西都御史王  
應鵬先期發兵兼程趨事巡按穆相蔣賜振肅風聲陳  
奏經略功俱可嘉副使牛鸞翟瓚僉事陳大綱身親冒  
險直搗賊巢收獲元惡招降賊眾功尤可尙叅政李際  
可陶諧僉事楊朝鳳溫濡祁鶴都指揮霍錦徐溥或督  
理兵糧或催嚴行陣隨事効勞功皆難泯伏望聖明軫

念各官平茲積年巨寇安彼兩省生靈斷白宸衷先行  
溥加恩典以酬勞勩其副使牛鸞撫過一千九百餘名  
擒獲賊首陳琦石虎等翟瓚撫過六百餘名擒獲賊首  
王章陳良等僉事陳大綱收獲元惡陳卿陳奉斬首陳  
相撫過六百餘名各與本部原擬招撫餘類五百名以  
上陞實授二級事例相同守備郭舉王秉彝指揮查瑤  
吳捷等十五人知縣于慧等五人千戶劉岱等七人百  
戶楊鼎寇岱所鎮撫魏堂土人儀賓郝世昌義官王自  
強孟雄鎗手王迪等五人快手李光澤市民魯浩鄉夫  
王紀等九人及總兵官魯綱奏內二省布政掌印及軍

桂洲奏議

卷之四

七

前紀驗功次催運糧料等項官員行移各該巡撫官動  
支官庫無礙銀兩買辦花紅羊酒分別等第徑自從宜  
犒賞內二司該道守巡及該府衛州縣掌印巡捕等官  
凡先曾失事住俸人員俱宜開支聽候再照各該提督  
等官差來奏事百戶等官楊挺等四人驛丞等官楊紹  
華等六人各承奏報捷音固雖常職而道路奔馳均有  
微勞楊鼎等四員似宜照例陞賞楊紹華等六員亦合  
量賞以勵人心通前大小恩典俱各出自朝廷臣等不  
敢專擅更乞聖裁臣等又查據各官先後奏報文移檢  
閱捷音數目不惟彼此異同抑且互相滯礙兼以日期

進止亦似不倫詳其撫多於剿則論撫卽其剿重於撫則論剿况事干三省兵兼四出中間或有隱伏情節及先曾失事人員邀冒詐飾之弊并卽今被獲人犯牽連挂誣之人難保必無又近該兵科都給事中夏言等具奏前因必須通勘方服人心合候命下行令都給事中夏言作急領勅兼程前去山西河南適中地方會同各該撫按等官先將三省一切有功人員上緊逐一覈實要見某日某官何處進兵首到賊鋒某日某官何處繼至進搗巢穴某官的係總領某人亦係分哨就將各部下官軍斬獲首級生擒招撫等項數目功次分別明白

桂洲奏議

卷之四

七

首功大陸有功應贖餘功加陞并該賞該罰一併查勘的確逐一開款造冊奏繳一面將首惡陳卿陳琦父子并各起擒獲賊犯情重情輕通行鞫問明白照依律例議擬有名渠魁牢固監候轉詳法司奏請明正典刑以彰法令再將招降人口并見獲賊犯家屬財產等項各令處置相應及監生李克紀原擬設縣立學并先與通判楊良臣招撫功績應否量沾恩賚與凡兵後地方應處未盡事宜一一從長參酌會議停當作速會奏以憑上請施行再照魯綱係欽命提督官常道係舊巡撫官臣等亦照往年事例各官成此功能通併開列但見該

都給事中夏言論劾奉旨查勘之日再行議處合無仍候勘明惟復別賜定奪及節奉欽依兵部看了來說兵部知道你每說的是這起山賊本因官司所激今常道魯綱卻乃冒功飾過就着夏言前去查勘明白分別功罪奏請定奪不許避難寫勅與他該部知道并先奉欽依這賊情待各官奏報至日你部裏一併看了來說原擬陞賞條格便查照舉行事理未敢擅便等因嘉靖七年閏十月十一日本部尙書王時中等具題本月十六日奉聖旨這事還待差去官員行勘明白具奏議處定奪欽此欽遵擬合通行爲此除外合連送該司仰行通

桂洲奏議

卷之四

九

政使司經歷司呈堂轉行兵科都給事中夏言查照本部題奉欽依內事理欽遵施行等因連送到司擬合就行爲此合用手本前去通政使司經歷司呈堂轉行兵科都給事中夏言查照施行准此除呈堂外擬合就行爲此合用手本前去兵科都給事中夏言查照施行等因備行到臣除會同山西巡撫王應鵬河南巡撫潘垣山西巡按王朝用河南巡按譚纘會案行委山西左叅政邵錫僉事賈啓河南右叅政伍全僉事張庠照依案驗節次備奉欽依并勅諭內事理各會同備查青羊山叛賊起於何年月日據險集眾爲亂先於何處府州縣

地方強劫某人家財殺傷某人姓名曾否取具真實賊  
仗供招立案曾否攻圍城池劫奪庫獄謀爲叛逆是否  
陳卿一人倡亂抑別有首惡人眾及因何處拏獲事發  
係何地方官員不行卽時追捕後據何人供報何官呈  
稟奉何衙門明文輒動官軍以致拒敵殺傷釀成大患  
曾經幾次進剿不利殺傷官軍若干員名復據何人設  
策又行招撫及曾經何人入山招撫不下方纔奏請調  
集京邊官軍因何經年撫剿不効以致玩寇殃民及要  
拘審見今擒獲收降人犯果盡係青羊山土著抑有四  
方流寓人民平賊之後各該衙門曾否委官審勘是否

桂洲奏議

卷之四

三

一一俱是陳卿夥內強賊曾否分豁脅從并不曾爲盜  
良民收降人口卽今安插何處有無官給衣糧見在死  
亡各若干名口見獲賊犯家產財畜作何處置下落仍  
拘審見監賊首陳卿等委於何時集眾行劫其真正賊  
黨姓名委有若干當時實因何官失於撫捕驅迫爲亂  
務見兵興盜起根因釀禍失事情節仍備查該省動調  
幾項官軍民兵若干員名分布幾路地方進兵與各處  
官兵如何約會入山之時的係某官乘險先登衝鋒破  
陣進兵收兵的確日月地方并擒斬招降真實姓名各  
要開係某官部下某人名下斬首若干生擒若干招降

若干中間領兵人員有無妄殺平民各該把隘人員有無縱賊奔遁其分布機宜進剿期會指揮調度俱各稟受何官方略及京邊官軍并三省官兵中間有無逗遛觀望逡巡失期有無妄殺投降冒報功次有無不曾拒敵妄稱對陣交鋒有無乘機劫虜良民財物某處官兵有功某處官兵有罪仍將原委紀驗官功次冊內查審對證有無任情摭虛冒不實弔取原獲首級耳記辯驗有無孩幼婦女務要逐一據實勘報不許容情遮掩所據承委官員宜各秉至公仰承朝廷保全生靈慎重賞罰特遣近臣重命作急查勘分別官兵功罪輕重等

桂洲奏議

卷之四

三

第通查前後失事人員逐一明白具由備細造冊仍將賊首陳卿會同研審真情照依律例議擬具招一併呈報以憑會同撫按衙門覈實具奏施行緣係查勘平賊功罪關係國法民命事體重大毋或拘徇寅寮私情畏避上官勢分有所推避及苟且塞責含糊應文查勘不實定行從重叅劾決不假借責限五日回報如有引嫌避怨不聽委勘亦要明白呈報以憑叅奏施行及節經會駁覆勘去後今據叅政邵錫伍全僉事賈啓張庠會呈問得首惡陳卿狀招有山西已獲監故父陳琦先獲監故伯陳曩并已獲弟陳奉已斬首陳相等河南已獲

故叔陳良陳鐸堂弟陳文表陳子隆族姪陳朦眼斬首  
堂叔陳聚米堂弟陳鉞俱住青羊山內地方谷堆底石  
返頭等處節年舉放錢債與山中各村及四外流來賊  
人明知劫來財物加倍取息因而得利作爲窩主正德  
十年八月內有山西已獲強賊陳廷不合糾同陳琦陳  
曩與先獲監故族叔陳遷并劇賊王廷祿等強劫本州  
并陵川縣居民韓慶等家銀兩衣服等物正德十一年  
正等月內陵川縣申蒙撫按衙門行委山西吳都指揮  
督率官軍止將王廷祿等捕獲問擬斬罪呈蒙詳允監  
故相埋訖照拏陳琦陳廷等未獲彼父陳琦將卿納充  
桂洲奏議

本縣聽缺吏後叅禮房典吏正德十五年五月內卿役  
滿轉叅藩府長史司刑房典吏避難逃回革役正德十  
六年正月初四有山西已獲賊首陳訪因事不合將本  
縣居民陳道女毆死告發本縣問擬陳訪同謀共毆人  
因而致死下手絞罪招申巡按衙門詳允節蒙會審詳  
眞監候轉詳間彼有陳曩恐人捕拏投在本縣去任知  
縣楊盈名下作爲祗候在縣往還因而無人捕捉本年  
八月內有本縣居民張安明知陳琦等結購賊眾不時  
潛去劫掠人財不合窩留往來伊家歇住嘉靖元年十  
月內有未獲強賊萬得才牛恭各不合糾同陳遷等前

往河南安陽等縣各村流劫彼時陳遷與先獲監故強賊袁廣等將校尉王弼懷孕妻殺死本年十一月內又劫林縣丁葉村黎城縣趙城村居民王總等家銀錢絹布等物俱馱送陳曩家內知情均分訖嘉靖二年三月內有山西已獲強賊秦彪與陳遷等不合仍同前賊并已獲監故賊首秦虎龍等劫掠陵川等縣居民楊友萬等各家頭畜財物楊友萬等并各地方告稟陵川縣及澤州通申蒙山西撫按衙門俱行分巡冀南道王琳督令各縣委官捕拏先差快手王廷瑞將陳曩捉獲發縣監候聞彼有楊盈因與陳曩情熟令本縣已問發充

桂洲奏議

卷之四

三

軍張倫將伊保領在外續蒙王僉事督委高平等縣典史鄭良等各帶快手民壯人等入山襲捕復將陳曩捉拏陳遷與秦虎龍等拒敵殺死民壯康小邦等四名砍傷兵快李紀等十六名本年五月內王僉事又委黎城縣知縣今陞太原府在逃通判楊良臣齎執本道告示招撫脅從良民彼父陳琦隱下前惡混同被虜陳宣等男婦六百餘名口一槩俱作良民以致准信招撫下山查發寧家又蒙本道督併官兵將秦虎龍等拏獲與先獲陳曩等俱問斬罪具招呈蒙撫按衙門詳允將秦虎龍等監候審決未獲強賊通行壺關潞城二縣責差今

死地方張得山老人韋臣各領兵快緝拏陳遷得知糾同各賊節將張得山韋臣殺死各縣將情申報王僉事督率官兵將卿并陳遷等擒獲被陳遷招攀卿等同伊劫財殺人致蒙王僉事將卿等問擬斬罪照例梟首具招呈蒙撫按衙門詳允監候會審照拏萬得才等未獲後陳遷等陸續在監病故相埋訖嘉靖三年二月內卿將情具本令庶母王氏奏行山西巡按王御史轉行分巡道張文魁勘問牌行本州提弔人卷本年七月廿一日夜陳訪又不合越獄逃來本山依附爲盜向未拏獲本年九月內本州批差已發落快手謝鉦等管解卿并

桂洲奏議

卷之四

三

事內楊盈等赴道行至汾州東關卿不合脫逃回山潛住止將楊盈等解道審究謝鉦等畏懼刑責妄招受卿銀四兩賣放虛情在官致蒙問擬謝鉦受財故縱絞罪崔岩等爲從及楊盈等應得罪名招呈巡按衙門詳允發落訖牌行本縣照拏卿等未獲本年十等月內卿因王僉事問擬死罪逃避山中要得據險聚眾踵父爲盜因而肆行流劫及拒敵官司差人捕拏謀同陳奉陳訪陳廷糾集山西已獲強賊石龍王英等河南已獲強賊王仲興等各不合與父陳琦弟陳相并山西已投首強賊黃選等共一百六十餘名各故違強盜殺人放火燒

人房屋姦污人妻女并積至百人以上不分曾否傷人俱隨卽奏請審決梟首事例俱聽卿等父子調度往來山西河南地方流劫鄉村殺人放火縱橫爲患嘉靖四年二月內卿與陳奉石龍王英率領劉倉等八十餘名各不合強劫本縣王莊里居民路囊王榮等家財物并將李柰馬匹強搶入山及將已故民人石廷相妻常氏劉文義妻王氏男女俱強虜上山卿將常氏姦收陳琦將王氏姦收陳相將劉文義女姦占各爲妾本年五月內王榮與李柰因被卿等劫害各將前情告蒙巡按張御史批行帶管分守冀南道今陞任副使韓邦奇案行

桂洲奏議

卷之四

五

本州督併各縣掌印巡捕官卽拏彼有潞州判官項鑽吏日董光祖潞城縣知縣蹇賢典史何智壺關縣知縣張友直未到典史吳淮各不合失於撫捕嘉靖五年五月十八日卿等不合因讐將王榮殺死本年四月內有王榮弟王進朝與李柰各將卿等劫殺等情具告撫按衙門批行分守冀南道張文魁會同分巡道宋欽案行潞州并潞城壺關二縣及潞州衛緝捕彼有知縣蹇賢并張友直巡捕典史何智并吳淮本州吏目董光祖千戶宋琳各不合與本衛掌印指揮秦洲不行併力捕拏以致卿等劫財殺人肆行無忌本月十五日宋僉事將

設備防剿事宜通呈撫按衙門蒙巡按馬御史詳批相機而動兵家制勝之策所議依擬行仍候巡撫詳示聞張參議亦將本縣申稱卿等據險不服等情要將動調官軍征剿緣由具呈蒙山西鎮守張太監俱批依擬會同分巡道動調所屬衛所下班官軍州縣巡捕快壯及精壯鄉夫人等申嚴號令督率剿除本年五月初八等日蒙守巡道會委高平縣知縣王準長子縣知縣劉耕親詣查勘賊情并將捕拏卿等方略議呈本院蒙批依擬通行本州并潞州衛及潞城壺關黎城等縣協力擒捕本年九月內常氏見卿兇謀恐後連累夤夜脫走下

桂洲奏議

卷之四

三

山將情告蒙巡按馬御史批行分巡道備行州衛縣嚴謹緝拏卿等賊眾各因官兵設備頗嚴未敢下山劫掠嘉靖六年正月初一日叅政李際可僉事章綸本年四月內卿計同陳奉陳訪等各不合與陳琦陳相分投招集本縣并壺關黎城等處山西已投首强賊李祿李景方等七十餘名并山西已獲監故强賊陳的和等河南已獲監故馮大川等一百四十餘名山西已斬首强賊王得等河南已斬首殷得山等二百餘名各因卿等行劫得利俱陸續投卿父子時常在山操演武藝及私造槍刀等器聽卿分遣四散劫掠自是賊黨愈眾勢甚猖

獮巡捕人役不敢入山擒捕本年五月初二等日卿等率領賊眾各騎馬羸執持槍刀等器前到河南修武縣地名西村卿與陳奉等各不合故違前例將居民趙洪等各家房屋放火燒燬殺死居民劉鉞李氏等四名口截傷趙舉等七名劫出趙洪等家財物又到本縣恩村鎮舉火燒燬本鎮居民張玘等家房屋殺死居民張宿秦仲等九名及截傷張甫等一十四名彼有該縣兵快地方人等捕捉卿等各又拒敵殺死快手張恩搶劫張玘等各家財物不計其數復從恩村鎮回還轉向澤州東平等村陵川縣義門等里殺死居民王文等三名及

桂洲奏議

卷之四

七

截傷王漢張經等十名強劫居民樊世威等各家共銀一百七十餘兩銅錢三萬六千餘文絹布衣服四百餘件雜粟二百餘石馬羸驢一十六頭連夜復回山內分用訖本月廿四等日該澤州并陵川縣將前項賊情通行申報聞章僉事宋僉事會同李叅政具由呈蒙鎮守張太監巡按張御史准委指揮秦洲并寧山衛指揮熊夢弼及澤潞二州并屬縣巡捕官各帶軍兵緝捕間本年六月內今閑住常都御史接管巡撫本月初五日該河南分巡河北道屠僉事訪得大勢強賊係山西青羊白坡賊徒備由通呈山西撫按衙門批行守巡冀南道

嚴督各該委官會約相機處捕聞秦洲緣事被提改委本衛指揮沈清吏目董光祖典史何智澤州吏目張雲鵬高平縣典史張鎧襄垣縣典史翟儒林各整兵間本月廿三日指揮熊夢弼等督同委官董光祖等領兵入山襲捕行至地名葫蘆嘴遇見卿等率領賊眾三百餘名拒敵官兵彼有熊夢弼沈清各不合不行奮勇督兵勦捕董光祖等各不合不行併力擒拏以致卿等各不合將典史何智并伊男何廷佑打倒剝奪衣服器械又將何廷佑肚腹戳傷及將民壯宋曩戳死并戴經等二十餘人打傷各官兵遂皆退散該潞城縣具申常都御

桂洲奏議

卷之四

三

史蒙批仰守巡道親詣督併刻期剿捕又該澤州亦將卿等拒敵緣由申蒙常都御史批仰各道作急議剿先將方略馬上差人齎報本年七月初十等日該帶管分巡道王副使會同李叅政俱至潞州查訪青羊山拒敵賊人係卿等父子爲首與澤州所申相同彼因草本茂盛難以進兵具由稟報常都御史隨蒙出給告示行委知縣楊良臣齎執入山招撫彼卿不合心懷矯詐假設懇情并捏掩惡虛詞一紙遞付楊良臣致蒙本官准信通將青羊等村居民史腹寧等一千餘名作爲聽撫其外來流民申宣牛清等二百餘名俱作趕散開具揭帖

呈報李叅政等通呈撫按衙門照驗訖彼卿又不合懷  
疑分布賊眾守險應敵本月十三日陳相糾同各賊下  
山將壺關縣地名角兒戰寄住今故民人許朝伊妻李  
氏搶虜上山陳相將李氏姦占本年八月內常都御史  
會同巡按張御史看得卿父子兄弟積惡已非一年貽  
患不止一處今又結黨多至數百仍前劫殺河南山西  
兩省地方且又拒敵官兵殺傷人眾惡已貫盈罪同謀  
叛必須急爲剿絕庶足少快人心但又委差楊良臣雖  
稱撫安未見有何實跡恐彼自知理法難容嘯聚日久  
貽患愈大案行都布按三司掌印官會同本道守巡官  
桂洲奏議

卷之四

无

從長計議進剿方略必使巢穴無遺種類俱盡作急呈  
報本年九月內爲恤刑事蒙審錄劉員外將謝鉅辨問  
杖罪奏放訖本月初二日蒙李叅政王副使會議得卿  
自聽撫之後再無出山劫害但彼懷疑未敢擅出仍令  
楊良臣面諭陳卿父子等限兩月以裏將賊徒卽擒送  
官如是脅從放其歸業若過限無有聽撫實跡方行剿  
捕備由回報按察司本月十三日該山西按察司等衙  
門唐龍等覆議得本地之人善良尤多賊眾之內脅誘  
居半兵端似難輒開事體尤宜審處故守巡本道先主  
撫處之說勢若近緩計本從長合依所議示以大信坐

委潞州知州宋璉選帶公正屬官親詣撫諭若或執迷不改解散無期方行調兵征剿備由會呈常都御史蒙批依擬仰行守巡道相機而行本年十月二十四日李叅政會同王副使選委澤州知州王朝雍知縣王準劉耕會同知州宋璉入山招撫未報間彼有常都御史不合不行審度事機從宜撫處輒便輕率請兵具本奏行兵部查議覆題咨行山西巡撫常都御史河南巡撫蔣都御史起調附近衛所州縣官兵委官管領約會夾攻務將卿等有名賊首緝捕得獲其餘脅虜聽令解散隨蒙常都御史會同鎮巡衙門行委山西都司霍錦統領

桂洲奏議

卷之四

三

太原左等衛官軍一千員名及委汾州知州郭鏗統領潞州襄垣縣等州縣兵夫二千名前來剿捕又委典史吳淮帶領壺關縣鄉夫一千名分布把截仍委分守李叅政督管糧草分巡王副使知州王朝雍平遙縣知縣韓廷學紀驗功次隨蒙常都御史出給告示發行守巡道分給各委官差人入山黏貼曉諭脅虜之人許令投降解散又蒙河南蔣都御史行委都指揮李鳳鳴指揮吳捷丁始然彰德府同知王都統領官軍一千五百員名約會進剿間該原委知州等官宋璉等止招撫伯母張氏同伊男陳鐵棍等并原擄王氏男女下山入城卿

等不合佯爲聽撫不行出山本年十一月內王副使致仕回家僉事楊朝鳳帶管分巡道彼有張安不合節將探聽得上司調兵剿捕情由報漏與卿率領賊眾潛伏據險迎敵本月十二蒙常都御史案行守巡道分布官軍防守相機剿殺本年十二月初九日李叅政楊僉事因霍都司領兵未到遵照常都御史明文先行分布指揮秦洲帶同潞州衛指揮汪鎧薛朝輝顧瀾千戶和洪李璋等百戶黃金楊臣等統領舍餘旗軍秦潮等共七百二十七員名前來青羊村西路隘口把截彼有常都御史又不合安坐省城失於調度李叅政楊僉事各不

桂洲奏議

卷之四

三

合申諭欠嚴指揮汪鎧千戶和洪百戶黃金等各亦不合與薛朝輝等不行併力防守被卿謀同陳奉各不合與陳琦陳相等率領賊眾三百餘名各執槍刀等器撲出青羊里山口當將指揮薛朝輝并本衛軍人賈但兒等二十三名及秦洲弟秦潮俱射戳傷重身死各官兵力不能支遂皆奔潰又搶去官軍披甲長槍腰刀弓箭官馬等物秦洲等回報李叅政等具稟常都御史看得卿等敵殺官兵勢甚猖獗乞要請命副總兵趙廉督兵進剿具本奏行兵部查覆間蒙常都御史議行李叅政等將先陣亡官軍家屬優卹訖本月十七等日卿與陳

訪石龍等各不合糾同各賊一百餘名搶劫本縣張井等村居民張潮并劉得隆等各家粟穀九十餘石又殺死張潮合家男女大小共七名口放火將房屋燒燬劫去伊家銀錢衣服等物嘉靖七年正月初三日卿不合驅令在官李景才亦不合依聽前去本縣約會王氏并伯母張氏要行劫取回山被快手拏獲押送守巡道轉發宋知州審問李景才又不合畏刑妄招因讐譖卿等殺死張倫等人口虛情在官將李景才監候問罪呈詳間本月初五日蒙李叅政楊僉事因霍都司領兵已到移文責付河南原差快手石昂等賫送河南守巡河北桂洲奏議

卷之四

三

道的於本月初十日約會督兵并進夾攻本月初十日都司霍錦知州郭鏗各領原調官軍民兵進剿及河南守巡河北道叅政陶諧僉事溫濡催督原委都指揮李鳳鳴指揮吳捷丁始然同知王都統領前項官軍亦於本日由林縣入山夾攻本月十八日都司霍錦督領太原左衛指揮王振李爵右衛指揮鄭麒千戶董儒百戶俞瑗前衛指揮王鉞黃金千戶楊鈺潞州衛指揮汪鏜秦洲顧瀾千戶和洪李璋等百戶陳震阿功張讓汾州衛百戶薛文興沁州所百戶王忞知州郭鏗潞州同知倪最督率澤州吏目張雲鵬沁州吏目夏羸洲屯留縣

縣丞何應漢陵川縣主簿謝景安襄垣縣主簿朱璽長子縣典史祁仕翰高平縣典史張鏗潞州千戶牛賓并醫官宋楠各帶旗軍兵夫協同進剿知州王朝雍知縣韓廷學各隨軍紀驗俱行至地名黃松嶺彼時張安又不合漏泄進兵消息卿與陳奉陳訪等聞知各又不合與陳琦陳相等率領賊眾五百餘名突出拒敵彼有都司霍錦不合不行嚴督官兵設策制勝指揮王振鄭麒等千戶楊鈺和洪李璋等百戶陳震阿功各不合與李爵等不行奮勇督兵攻戰知州郭鏗同知倪最各不合不行相機進剿吏目張雲鵬夏瀛洲縣丞何應漢主簿

桂洲奏議

卷之四

三

謝景安朱璽典史祁仕翰張鏗千戶牛賓各不合與宋楠不行協力夾攻被卿等賊眾殺死指揮李爵秦洲千戶陳璽董儒百戶張讓薛文興俞瑗醫官宋楠八員及殺死王振等部下軍人閻子春等三十九名又將指揮顧瀾并軍人成九子等四員名俱戳砍傷重回家身死被傷知縣等官韓廷學朱璽并旗軍宋智等四十五員名又將知州郭鏗王朝雍俱執虜上山又搶去官馬長槍斬馬刀腰刀弓箭等物彼有河南都指揮等官李鳳鳴吳捷等各承委前到尖綻口及池兒長嶺約會夾攻因聞山西官兵失利各不合不行前進各就掣兵回還

河南去訖本日卿將郭知州等執送谷堆底莊所拘繫韓廷學將卿等拒敵等情呈報李叅政楊僉事節次稟報常都御史穆御史查奏間蒙將陣亡官軍家屬優卹訖續該兵部將鎮巡官前奏卿等敵殺官軍薛朝輝等緣由議擬覆題咨行常都御史調取三關馬步官軍委都指揮等官相機誅剿失事守巡等官李叅政楊僉事并潞州及潞州衛潞城縣各掌印巡捕等官各住俸戴罪殺賊本月廿五等日卿等聞知已投首賊人原得祿引領官兵入山剿殺要得報害率領陳子懷等二百餘賊各不合撲入伊住圪壇村當將原得祿族姪原法等

桂洲奏議

卷之四

五

男婦七名口殺死又到本縣紅底莊及東溝裏搜劫居民李廷相平滔等各家銀錢紬布雜糧牛羊等物本年二月內新任僉事陳大綱接管分巡道本月初二等日卿又率領陳訪等三百餘賊各不合劫掠壺關縣崇賢村居民平亨等一十三家并申等坪等莊居民申萬羊等八家銀共三百餘兩銅錢共二十五萬羅段衣服綿布雜糧牛馬等件又將平亨等本村居民牛鎧等八口殺死本月初七日又蒙山西巡按穆御史差委布政司案牘高雷齋文令楊良臣入山諭卿放回知州彼父陳琦自知窮兇極惡欲要脫免誅剿計令卿等各不合與

河南已獲監故強賊王章共謀捏寫訴詞及捏稱王知州等爲招撫大眾以安地方事呈文各一紙俱遞與楊良臣仍將各官拘留必欲取贖王氏等回山楊良臣將前文交與高雷呈繳穆御史批行按察司公議間蒙穆御史會同清軍王御史將卿等敵殺官軍秦淵等緣由及常都御史亦將前情各具本奏行兵部查議覆題轉行趙副總兵及常都御史案行守巡官募選鄉導槍手聽候征剿本月十四日守巡道覆差楊良臣帶領王氏并伯母張氏等入山曉諭卿等方將知州郭鏗王朝雍令楊良臣領送下山各回任訖彼有高平縣聽選監生桂洲奏議

卷之四

五

李克紀因見撫按衙門節奏卿等爲患陳言要選謀略過人正官撫卹山寨設法自擒首惡及於本處立縣緣由具本奏行吏部移咨兵部着將本生赴常都御史軍前贊畫聽用本年三月初一等日李叅政復差楊良臣陳僉事差委本州同知宋縉儒學訓導趙從虎等將奉到恩旨刊刷告示令各官齎執入山招撫卿等又不合負固不服該兵科商給事中看得常都御史調度無方致將知州虜去指揮殺死乞要移文切責住俸以圖後功緣由具本奏行兵部覆題待事寧通查功罪定奪隨蒙穆御史將知州王朝雍等自賊巢回還并前項呈文

訴詞情由及看得楊良臣執稱深入撫還二官似爲可  
嘉又蒙常都御史亦將前情并卿等劫財殺人及議調  
山東副使牛鸞槍手剿捕等情具本奏行兵部查議覆  
題咨行常都御史轉行守巡道應撫應剿從宜施行及  
將楊良臣改註太原府通判仍留軍前聽用并行山東  
牛副使挑選慣戰槍手操練聽調本月十六日李克紀  
會同楊良臣入山撫諭卿等陽順陰逆仍捏訴詞三紙  
并將各家男婦八百餘名口開報李克紀與楊良臣作  
爲就山招安回還本縣造冊連訴詞呈繳常都御史穆  
御史蔣御史議奏聞本月二十日蒙常都御史差承差

桂洲奏議

卷之四

三

齋捧黃榜二道馳送陳僉事當將一道懸挂本州城內  
又將一道差老人張文美齋捧入山張挂曉諭卿等因  
前楊良臣李克紀許令就山招安得遂所欲各不合違  
悖恩旨不行出山投首壺關潞城二縣節將卿等劫掠  
緣由申報陳僉事會同李叅政楊僉事看得卿等稔惡  
不悛出劫無常乞要督發兩省兵馬相機撫剿具呈撫  
按衙門蒙常都御史具本奏行兵部覆題咨行本部從  
宜撫處若賊情重大山東河南官軍徑自調用本月二  
十六日卿訪知儀賓郝世昌家人郝鑑要行指引河南  
兵馬進山剿捕不合使令王鑑等九十餘人前到伊莊

當將郝鑑并妻男俱各殺死本年四月初八日楊良臣李克紀呈稱就山招安賊眾八百餘名口要行止兵賑濟存卹計擒賊首等情具呈陳僉事會同李叅政楊僉事通呈撫按衙門蒙常都御史批據今所處非惟玩養後患抑且有違明旨仰從長議處務令賊首就擒卽日出山自訴作急呈奪又蒙穆御史批地方大事須協同計議而行隨該各道與李克紀從長計議招撫轉呈常都御史未蒙允行續蒙常都御史將卿等招撫不從節劫財物等情請命魯總兵統兵征剿具本奏行本院督調兩省官軍相機撫剿及查失事人員又蒙常都御史

桂洲奏議

卷之四

三

將應撫應剿緣由具本奏行撫按衙門案行李叅政陳僉事并霍都司再行差官入山曉諭卿等禍福利害如果畏罪悔過將先日敵殺官兵賊首計擒送官卽免其罪果有誣枉聽其具訴伸理倘若執迷不悛調集主客官兵相機剿捕各遵行間本月廿九日卿又不合將本縣樂人王良臣女搶入山中姦占爲妾本年五月內蒙兵科孫給事中亦將卿等爲惡不悛乞要早調人馬責付謀勇將官剿捕等情具本奏行兵部議題備行總兵官魯綱統領所部并京營官軍前去衛輝彰德附近地方駐劄提督殺賊山西河南二省守巡等官所部官兵

俱聽節制調遣及行常都御史移在潞城臨近去處與魯總兵仍照前撫處本月廿七等日有被虜平人張法張玘等各畏兵臨被殺陸續逃走山被卿巡山賊人殷得海等捉回卿等慮恐各賊效尤奔散要得誣執抵罪各不合將張法等九名口俱作殺死官軍首惡綁送楊良臣李克紀收發潞城縣監候楊良臣具由呈稟本縣蒙申守巡道轉發楊良臣勘問本年六月內楊良臣要得苟且行事又不合隱下卿等節次劫殺情弊主令李克紀出名奏稱深入賊巢共招撫脅從男婦八百餘名口及陳卿父子束手聽服乞要賑濟給財蓋房等項

桂洲奏議

卷之四

三

虛情具本奏行兵部移咨巡撫衙門轉行該道查勘間又蒙蔣御史看得卿等戕殺官軍違背詔命乞要速加掃滅以伸國法等情具本奏行兵部於本月廿六日覆題備行河南巡撫潘都御史移在彰德等處駐劄山西巡撫常都御史移近潞城地方各調官軍民兵督委陳僉事翟副使與魯總兵所統官軍協力會謀待天氣稍涼相機合兵進剿及調牛副使所統馬步兵前來若卿等果能束手投首及將敵殺官兵兇犯擒拏送官明正典刑仍照前撫處各遵行間本年七月十八日陳僉事等行委潞城襄垣二縣縣丞盧萬張珽齎捧黃榜入

山申諭朝廷洪恩寬宥令卿將敵殺官軍人犯擒拏送官就赴軍門投訴卿等又不合執迷不從仍前負固拒守本年八月內張法張珙等妄招敵殺官軍虛情口詞楊良臣具揭開呈陳僉事恐有不的提取各犯到道審得張法等俱係被虜平人委無敵殺官軍情由彼有王玘又不合妄招在官申川張景隆等謀令卿攢錢買免楊良臣等就山招安虛情致蒙行拘申川等到官各亦不合畏刑妄招卿向一十七莊攢錢一百餘千過送楊良臣李克紀接受虛情致蒙取供叅呈聞本月初七日魯總兵因天氣稍涼領兵自河間起行本月初八日卿又不合率領王仲興等七百餘賊前到林縣地名任村將居民李林路臣郭文雪俱各殺死放火燒燬房屋搶劫銀錢頭畜衣服等物隨有指揮吳捷等領兵前來追捕各賊奔散回山本月十五日蒙潘都御史行令領兵翟副使先到林縣整點原調官軍民兵共二千零三十八員并調宣武衛官軍三百二十五員就在林縣操練相機截殺又委祁僉事召商糴買糧料草束預備軍馬支用本月十八日陳僉事出示召募勇夫并報效之人有潞州衛別項問擬立功等罪指揮柴山等千戶楊輔等百戶花銘張楫等投赴本道自願出力剿賊彼蒙常

桂洲奏議

卷之四

五

都御史親詣潞州將調到三關中軍振武衛指揮曾宣等各部下官軍共一千一百餘員俱委陳僉事統領將柳勛選作本營中軍柴山等隨軍及打造火車五百兩日逐團操聽候征剿并出給告示曉諭居民兵賊交鋒敵殺之際各宜趨避不許混入賊中致難別白自取追悔隨蒙潘都御史遵照欽降黃榜出給告示轉發翟副使并守巡等官差人遍挂山隘鎮店諭令卿等投首又蒙陳僉事分布李承祖領兵在於壺關縣胡廣領兵在於潞城縣各駐劄督同二縣民兵把截防守彼有魯總兵明知久奉欽命不合在途遷延不行急趨地方駐劄

桂洲奏議

卷之四

罕

合兵進剿卿等因聞山西河南動調官兵前來剿捕謀同陳奉陳訪等要得脅虜人眾以備迎敵各就不合將本縣并壺關黎城等縣近山居住民人常得金等四十餘名及投首餘黨陳文義并安插招降被脅牛子經等男婦二千三百餘名河南已釋放李貴劉良興等俱陸續脅虜在山編成總小甲花名簿籍四扇大張聲勢禦敵官兵本月廿四日卿等分遣夥賊秦彪劉倉等并脅從二百餘名各不合前去臨近鄉村劫掠指揮李承祖聞知領伊部下官軍并該縣兵快人等前來追襲至壺關縣地方羊穿底遇賊對敵彼有李承祖不合不行奮

勇攻剿被賊殺死旗軍周伏吉義等四名及劄傷官軍  
臧清等二十一員并搶去官馬一十匹被壺關縣鄉夫  
楊福成等擒獲脅從一名王敦各賊回至潞城縣北社  
底被指揮胡廣等領伊部下官軍與賊對敵就陣擒獲  
強賊一名劉倉比時陳僉事卽欲督兵剿賊節次呈稟  
常都御史蒙批候魯總兵至日會兵進剿前獲強賊因  
卿未免不曾奏報本年九月初三日卿與陳奉等因聞  
羊圍子鎮鄉夫引領官兵入山截殺要得報害率領石  
龍等三百餘賊前去本鎮地方將居民馬仲良一家三  
口宋大本一家三口又將李文惠妻子一家三口及李

桂洲奏議

卷之四

望

太倉等共六十九名俱各殺死燒燬鄉夫宋大川等房  
屋九十二間本月初五日蒙潘都御史調遣河南都指  
揮徐溥毛世威等守備王秉彝郭舉等千百戶郭璽徐  
憲等帶領宣武陳睢歸德等衛官軍嵩永等縣毛葫蘆  
并衛輝彰德開封等府義勇民兵共三千餘員與同原  
在林縣守把官兵挑選精銳四千員責付領兵翟副使  
操練其餘分委守巡陶叅政溫僉事在於各隘把截間  
本月初八日魯總兵領河間并京營官軍七百餘員方  
來本州駐劄摘撥京營指揮應永等兵馬在於本縣住  
候進剿間卿聞知亦分遣陳相陳良等領賊并被脅人

七百餘名在於洪梯竄腦等處迎敵河南官兵卿同陳奉陳訪等領賊并被脅人一千餘名在於李莊口等處迎敵山西兵馬及不時出劫報讐殺人本月十二日蒙潘都御史訪知儀賓郝世昌蓄有家丁二百餘名熟知山險可作鄉導當卽委令本官齎執招撫脅從旗榜前到地名張家灣等處招撫被脅岳成等男婦一十五名本日卿又令陳子懷等二百餘賊搶劫壺關縣辛村居民閻崇等黑虎村居民宋友倉等各家牛羊雜糧并絹布衣服等物又將各家房屋放火燒燬彼有魯總兵不合不行設策追剿卻又奏請添兵以圖掩飾已過本月

桂洲奏議

卷之四

望

十四日林縣典史王相招撫男婦劉彪等九十五名本月卿遣賊郝文義等一百餘名前到本縣黃牛梯李家莊地方劫掠有京營按伏指揮應永領軍對敵被圍霍都司聞知督令指揮曾宣統領人馬前來策應郝文義等又不合率眾衝敵劄傷軍人王愷等四名彼有郭演郭文深趙洪王惠等一十四人被虜賊營乘便跪出彼有曾宣不合不行申嚴號令以致部下各軍不辯是否強賊混將郭文深等一十四名就行斬首送官審驗本月十五等日卿又遣王鑑領賊三百餘名搶劫黎城縣竇口等村居民張美等壺關縣杏城等村居民申鑑等

本縣慢流等村居民魏子成等各家錢布雜糧并牛羊等物又殺傷居民王大川趙文舉等家人口彼有魯總兵獨受提督重任不合頑坐潞州不行遣兵遏截以致賊無忌憚日益縱橫節次劫財殺人燒燬居民房屋數多本月十七陳良陳相引領夥賊朱公正等一百餘名到尖綻口搶劫當被河南守隘指揮梁文督領百戶馬凱義官史韜崔奉并鄉夫楊聚良等三百餘人併力截殺射傷不知名夥賊十餘名生擒朱公正等五名送守巡道收問間比卿差姦細閻子秀王雲等前來林縣探聽進兵消息致蒙溫僉事差軍兵張淮李文强等將各

桂洲奏議

卷之四

聖

犯緝獲本月十九日蒙潘都御史帶同翟副使徐都司等親詣黎城縣會同常都御史魯總兵并牛副使陳僉事等議得山西地面頗廣而隘口平易山西并直隸山東人馬止穀分布河南地面稍狹而隘口險難該省人馬頗彀攻圍當蒙潘都御史謀畫定擬翟副使領兵由花園口王陡崖苦水嶺進直搗谷堆底分哨奇兵一枝由魯班壑進奪奔腦一枝由尖綻口進奪洪梯牛副使領兵由李莊進陳僉事領兵由佛堂嶺進俱至石返頭入谷堆底魯總兵由羊圍子居中調度北策應山西人馬東策應河南人馬當密傳印信會帖決以十月初六

日寅時進兵人定四路官兵俱用紅抹額爲記號各用本方色爲旗號各照定擬地方候期進剿本月廿二日潘都御史回至彰德府仍令郝世昌指揮梁文等齎執招撫旗面在於甯底尖統口等處招撫被脅周子成等男婦共二百餘名牛副使統領青州左衛指揮查瑤等部下官軍并槍手共八百餘員前來本縣駐劄蒙常都御史行委李叅政督運本省兵馬糧餉及分布郭鏗王朝雍隨陳僉事沁州知州黃海榆社縣知縣張巍隨魯總兵陽城縣知縣于慧武鄉縣知縣陳玟隨牛副使各軍營紀驗功次仍委楊僉事糾察姦弊又委霍都司統

桂洲奏議

卷之四

四

領潞州等衛指揮邢守清等官軍六百員與牛副使兵馬後繼應瑗又添撥潞州等州縣民兵三百名赴魯總兵部下隨征各操演聽候進剿間本月廿八日翟副使分委郝世昌吳捷丁始然梁文陸續招撫被脅周起鳳等男婦共一百餘名本日陶叅政督據同知王都義官崔奉等在於尖統口擒獲黨賊宋得營趙紀公等十九名俱送陶叅政處收問本年十月初五日蒙潘都御史將河南軍兵督令翟副使總統分爲五哨指揮李塘丁始然領官兵八百一十五員爲前哨指揮吳捷儀賓郝世昌共領官兵并家丁一千五十員爲左哨守備郭舉

統領指揮薛守直領官兵七百四十五員爲右哨守備  
王秉彝統領指揮陳厚等共領官兵六百一十四員爲  
後哨指揮湯湯卿領官兵七百三十六員爲中軍都指揮  
徐溥贊畫中軍兼都催前哨分守陶叅政督率官兵一  
千員名守把魯班壑蟻尖寨桃園口兼催奇兵指揮吳  
捷等并遊兵指揮余尙用等分巡溫僉事督率官兵一  
千員守把尖縱口盤陽口劉家梯兼催奇兵指揮毛世  
威等遊兵指揮于宗仁等又委祁僉事帶領衛輝府同  
知盛時雍隨軍肅陣督餉紀功又議令翟副使領李塘  
等四哨官兵同祁僉事徐都司由花園口吳捷郝世昌

桂洲奏議

卷之四

聖

一哨官兵由魯班壑毛世威等一枝由洪梯間道二路  
進山當日牛副使督統前項官兵八百員并霍都司統  
領前項官兵六百員由潞城縣進兵行至李莊迤東撞  
遇賊首石龍王彡等率賊五百餘名各持長槍出山劫  
搶有指揮查瑤督率官兵奮勇就陣斬獲從賊王得實  
并不知名強賊首級共七顆割獲耳記五副各賊敗遯  
上日本日晚蒙潘都御史密令指揮吳捷儀賓郝世昌  
等夤夜引兵攻奪穿腦初六日寅時卽遇賊首殷得山  
等率眾拒敵有吳捷等督兵奮勇將賊殺敗就陣斬獲  
殷得山等首級五顆副生擒王仲興栗友良招降被脅

張子深等男婦七十四名趕至莎草嶺又遇賊對敵各賊敗走官軍占奪七子嶺等處燒燬安陽門樓等賊巢比卿使令陳留狗前來探聽河南消息被夜不收侯隆將伊盤獲本日翟副使統兵至王陡崖魯總兵統兵至羊圍子陳僉事領兵至晉莊各劄營比有石龍等率領賊眾迎敵查瑤部下官兵就陣斬獲得賊首級一顆石龍等敗走入山牛副使隨將伊領官兵首剗賊鋒情由呈報常都御史奏報訖楊僉事亦差鄉夫王紀張朝等齎執降旗入山分投招撫間彼有常都御史因撫剿久無成功奉命行取回京後因草殊山失事行令回籍間

桂洲奏議

卷之四

吳

住蒙新任王都御史前來接管巡撫本月初七日魯總兵至佛堂嶺陳僉事至羊圍子山各劄營隨蒙王都御史案驗內開撫剿機宜差人齎送陳僉事遵行間本日晚翟副使領兵至苦水嶺密令指揮李塘與守備王秉彝指揮陳厚等選領精兵一千二百員乘夜直搗賊巢又遣火牌督調吳捷等兵前來策應本日溫僉事亦督發指揮毛世威梁文等官兵奪取洪梯與賊對敵斬獲守隘強賊耳記四副初八日寅時指揮李塘吳捷等官軍撲至賊巢谷堆底卿等率領賊眾前來對敵吳捷等奮勇衝戰間翟副使統領大兵亦至將卿等殺敗卿與

父陳琦領賊一枝由蘆芽嶺上藥莊山腦王朋等一枝入正北後山梁萬良等一枝上神河小寨官軍追至藥莊復戰數合就陣斬獲首級耳記共五十八顆副彼時吳捷薛守直鄭存毛世威各不合紀律欠嚴以致部下軍兵混斬男婦首級十二顆生擒賊首王章從賊王德才李貴等五十餘名有指揮陳厚家人陳竹奮身追趕當被夥賊白首惠用槍劄死卿等丟棄原奪山西官軍衣甲并潞州衛紅字號弓箭槍刀奪獲馬羸頭畜有指揮鄭存等就陣招撫被脅李新莊等男婦一百餘名俱送盛時雍驗出男婦首級不合容隱不行追究斬首人

桂洲奏議

卷之四

七

役止將首級驗退令薛守直另行收寄本日未時魯總兵統領兵馬繼至陳僉事統兵石家嶺先遣指揮曾宣等領兵亦於本日申時馳至智度寺聯絡劄營與賊對敵曾宣等部下官兵就斬擒獲從賊李奉川等五名斬獲從賊陳道倫等首級四顆彼時曾宣不合紀律欠嚴以致部下軍人混斬婦人首級一顆俱送知州王朝雍郭鏗驗出婦人首級一顆王朝雍等各亦不行追究斬首人役止將首級驗退彼都司霍錦統領官兵隨營到於青羊山與賊對敵伊部下旗軍舍餘邢梅等斬獲賊首級五顆割獲耳記一副擒獲脅從一名本月初九日

翟副使督併王守備等在於神河小寨與賊對敵斬獲首級耳記奪獲器械馬羸牛羊陣亡民壯邱世傑比有殷得海等敗走上山鼓領賊眾仍行拒敵翟副使祁僉事當令義官王自強張操執打招降旗面入山招諭殷得海梁欽等八人見得軍馬攻圍緊急方纔下山投降餘賊猶疑不信復差檢校金鳳翔雷雲仍同王自強跟隨殷得海等入營諭以利害當就招撫被脅梁萬良等男婦二百六十餘名郝世昌吳捷于宗仁鄭鏜在於水漿子枯焦山等處共招撫被脅張愛等男婦共二百四十名本日陳僉事分遣官兵李承祖等統兵在於青羊

桂洲奏議

卷之四

吳

西山小東峪高松嶺等地方與賊對敵擒獲從賊申萬倉劉祿等一十六名斬獲賊首級三顆本日魯總兵分遣指揮馬璽等在於高松腦擒獲從賊牛唐劉子秀等七名斬獲賊首級六顆彼時馬璽不合紀律欠嚴以致部下軍兵混斬婦人首級一顆俱送知州黃海驗出婦人首級黃海等各亦不合不行追究斬首人役止將首級驗退彼有王朝雍郭鏗黃海張巍各又不合容隱不行糾舉本月初十日陳僉事分遣官兵曾宣等在於門樓虎窠等處地方與賊對敵擒獲賊首王英從賊王憲等二十五名斬獲賊首級十三顆本日魯總兵分遣官

兵馬璽等在於欒莊山柏木都與賊對敵擒獲從賊路子敘等一十二名斬獲賊首級一十五顆溫僉事分遣梁文毛世威等在於碾鑽山與賊對敵擒斬耳記十副本月十一卿因勢窮力竭託鄉夫原得祿赴陳僉事軍營投首陳相陳奉陳訪等仍各潛匿山洞魯總兵分遣馬璽等在於虎窯山與賊對敵擒獲從賊石通等四名斬獲賊首級一顆招撫被脅常得良等男婦六十四名奪獲弓槍一十九件徐都司家丁徐祿與丁始然等在於石老岩招撫被脅永高等男婦三十三名十二日牛副使分遣查瑤等前到青羊山地方與賊對敵石龍等桂洲奏議

件陳僉事分遣官兵曾宣等在於石返頭等處地方與賊對敵擒獲從賊梁子成陳穀米等五十九名斬獲賊首級一十二顆曾宗等部下軍人程思明等擒獲脅從李惠陳賓等三十名俘獲卿男陳路長并賊屬斬邦道等九十一名招降餘黨李得富等三十二名招撫被脅路堂等男婦六百名奪獲盔甲槍刀等器共八百四十二件搜獲緞紗紬絹梭布衣服等件共一千三十件馬牛一百九隻驢羊九百四十五隻彼有楊僉事令鄉夫王紀張朝等在於王莊等地方招降餘黨申子雲等一十四名招撫被脅蔣子忠等男婦一百二十七名隨該牛

桂洲奏議

卷之四

五

副使陳僉事等各將擒斬招降緣由節次呈報王都御史巡按穆御史巡鹽蔣御史又該翟副使等亦將衝鋒破敵擒斬緣由呈報潘都御史各奏報訖本月十三日牛副使十四日魯總兵十五日陳僉事十六日翟副使各掣兵回還各將擒斬過賊數并首級耳記及奪獲器械等項俱送各該委官審記明白轉發各該衙門監候收貯間彼有指揮薛守直又不合將前混斬首級與紀驗過首級耳記槩送彰德府監收貯間本日王都御史兼程親詣本州并潞城壺關二縣往來提督撫安餘黨并被脅人口本月十九日潞城縣鄉夫李聚良等招降

賊首陳訪投送陳僉事審據本犯執稱陳相在於東山藏匿責差原得祿并鄉夫李廷相前去招降行至地名陸泉溝捉獲陳相合彼投降不從被原得祿等將陳相斬首送官紀驗訖有已發落林縣鄉夫石彪張振及不記名鄉夫等五十餘人彼因陳奉未獲在山搜捕忽遇已獲從賊白守惠被石彪等當就捉獲押送彰德府同知王都處收問轉呈巡撫潘都御史奏報訖本日晚石彪等行至穿腦又遇已獲從賊宋春申能并不知名二十餘賊在於岩腦用石砍打拒捕彼時石彪等自合將各賊擒拏送官爲當各不合擅將前賊數內斬獲首級

桂洲奏議

卷之四

至

二顆耳記一副及將宋春申能擒獲餘賊奔散隨將首級耳記并宋春等俱送祁僉事處紀驗隨將宋春等發該府監候宋春病故相埋訖本月廿三日李聚良等在於谷堆底招降鄉弟陳相投赴陳僉事并將前擒斬收降緣由呈報撫按衙門奏報訖又蒙王都御史將魯總兵牛副使陳僉事楊僉事各招降餘黨并被脅人口俱委分守冀寧道邵叅政親詣潞城壺關二縣將土著山民史福寧等男婦二千三百四十九名俱安插青羊張井等里將大名等縣流寓人戶王成等男婦四十九名俱與執照發回原籍訖又該楊僉事督同知州等官郭

鏗等將卿等并斬獲首級審驗彼有脅從常得金等四十四名各畏刑不敢分辨以致作賊造冊在官將首級發潞州衛器械贓物俱發本州收庫牛副使部下前獲牛羊變賣銀兩本官收領賞勞部下官兵訖陳僉事部下前獲馬驢牛羊蒙王都御史除給賞獲功官兵外餘剩頭畜行令本州變賣價銀貯庫又蒙陳僉事行委本州知州周昊指揮沈清會審得卿與父陳琦并弟陳相陳奉俱在石坂頭谷堆底西灣莊居住原有并續置瓦房二百八十三間額地五頃七十畝開墾無額山地數處不計頃畝及審據卿等執稱前項房屋及原劫分銀錢衣服雜糧并馬羸牛羊等物除各官兵焚蕩搜獲外止遺房九十二間取供在卷又蒙王都御史將卿等案發都布按三司掌印官會問間有父陳琦并王恕等在於潞州監內白海周子名張鸞等六十名在於彰德府并安陽等縣監內各陸續病故相埋訖本年十二月內蒙欽差兵科夏都給事中前來彰德府查勘平賊功次公同潘都御史譚御史會委布按二司伍叅政張僉事轉行該府將原發招撫過男婦并奪獲馬羸頭畜器械及斬獲首級耳記各數目查報前來會勘問隨該紀功郝僉事紀驗過功次文冊呈送本科蒙查出石虎等前

項擒斬係在官兵平賊出山之後又蒙牌委經歷李麟  
查驗該府收貯首級數目彼時本官不知前項來歷混  
將首級一槩呈報本科俱蒙案行委官伍叅政張僉事  
查問回報行間申能申悟法各在監病故相埋訖隨該  
各道行准祁僉事查得前項首級委係陣前被軍兵混  
斬並不係紀錄之數備由回報外蒙將石彪等行提到  
道問擬應得罪名招呈詳允發落又蒙本科會同譚御  
史審得王仲興等并監故王得才等俱係夥賊陳文  
學等俱係被脅餘黨發彰德府監候又審得袁氏陳氏  
等俱係賊屬趙國寶等俱係被脅平人俱發彰德府并  
桂洲奏議

卷之四

五

安陽縣押送各原籍官司安插訖蒙夏都給事中親詣  
潞州查勘功罪案行守巡冀寧道邵叅政賈僉事會勘  
具招造冊呈報依蒙會委石州知州張經高平縣知縣  
管律公同查勘彼有潞城縣民人郭演并劉信等各將  
郭文深等被官兵混殺情由具告本科批行各道併行  
張知州等體勘間陳僉事亦將柳勛等緣由立功堪以  
贖罪緣由具呈本科亦批各道行委知州郭鏗王朝雍  
查勘間隨蒙本科將牛副使奏繳前項戰冊文簿抄行  
各道亦委知州周昊查審該委官張經等各將前情逐  
一查明取供備由呈繳各道復勘相同續蒙欽差夏都

給事中督同邵叅政賈僉事提取卿等到官審得原獲  
數內常得金王四等四十四名俱係脅從常氏王杭州  
等十一口俱係卿等搶擄各釋放寧家給親訖及審得  
卿與陳奉俱係首惡叛賊與陳訪兵敗力屈方纔投降  
王英石龍王鑑陳子懷陳廷郝文義等二十七名俱係  
真正強賊張安委係透漏消息窩主又審得張法張玘  
等六名俱係被虜平人申川張景隆等四名委無與楊  
良臣過錢情由及蒙查得卿等節次拒敵殺死指揮等  
官秦洲薛朝輝等共一十員旗軍舍餘秦潮等共七十  
八名民兵郝士榮等共六名重傷官軍民兵朱璽等共

桂洲奏議

卷之四

五

六十七名各是的蒙邵叅政賈僉事將卿等俱依律照  
例問擬凌遲斬徒等罪具招蒙呈本科批據勘招詞太  
冗至於緊要分別功罪處則又語涉掩覆不肯從公據  
實直指是非顯有拘避阿循而於勅諭內事理略不照  
應先委都司官查驗首級有婦人二顆不見查明功冊  
內魯都督部下斬首二十三顆緣何俱不知名又何以  
知爲從賊張安如果泄漏軍機仍當以律坐罪引例充  
軍似涉輕縱駁行該道會同覆勘務見功罪明白使朝  
廷賞罰有據作急回報毋或稽延批呈繳各道依蒙行  
委知州王朝雍郭鏗查得前項婦人首級二顆委係領

兵指揮曾宣馬璽各部下軍兵斬獲原係委官驗退俱無造入紀功冊內及查得魯都督部下斬獲首級二十三顆獲功人員俱已回營彼時交敵之際不暇究問名姓委係賊巢人數又審得張安委係泄漏軍機重事以致卿等敵殺官兵數多備由具呈各道復勘明白招呈夏都給事中處照詳隨蒙本科案行伍叅政將見監審過賊犯并始末文卷多差的當官兵押解前來仍會同張僉事隨帶查勘過功罪文冊作急親詣潞州會同山西三司官通行會審明白一併具招呈報各官將王仲興楊金玉殷得海王仲才路景章梁欽俱問擬強盜得桂洲奏議

卷之四

五

財斬罪陳文學馮有餘趙廷俱被脅人數具招連人押帶潞州呈解夏都給事中處詳審蒙批據勘陳卿招盜事太多凡未經到官招伏問結者不須牽引審得馮有餘係有名賊黨梁欽王仲才情似可矜再問擬坐中間事情與山西二司勘報不一有礙具奏駁行該道卽便查照另行案驗內事理會同山西官再加詳勘一併會招呈報此繳各道依蒙會審得馮有餘委係腳黨賊及審陳文學趙廷梁欽王仲才委係被脅人數釋放訖又蒙本科會同山西巡按王御史看得招內各次情節彼此不一有礙題奏案行山西左叅政邵錫僉事賈啟河

南右叅政伍全僉事張庠速將賊首陳卿等爲亂緣由并各該領兵官軍功罪分別明白通行會議停當總具招由一并呈報各道依蒙將卿等爲亂緣由并各省進兵入山曾否對敵擒斬收降餘黨脅虜數目通行會議明白除獲功人員分別等第另行造冊送報指揮等官王振等行聽叅提外今蒙將卿等會議罪犯會議得陳卿等所犯陳卿除謀叛強姦又與陳奉俱除強盜得財陳訪除同謀共毆人因而致死并越獄各罪名外陳卿合仍依原擬殺一家非死罪三人者律凌遲處死陳奉仍依逃避山澤拒敵官兵者以謀叛已行論共謀者不

桂洲奏議

卷之四

奏

分首從律陳訪王英石龍劉倉陳子懷等三十三名俱仍依原擬強盜已行而但得財者不分首從律張安合改擬聞知收捕反逆賊徒而輒漏泄放敵人者律與陳奉等皆斬陳卿等三十五名俱決不待時陳奉與陳訪等各照例梟首示眾張安秋後處決張法張玘等十一名俱仍依不應得爲而爲之事理重者律各杖八十張法等俱有大誥減等各杖七十申川係守制吏照例納米折穀贖罪張經係軍張法等九名俱民審俱無力各的決查發守制着伍寧家陳卿陳奉仍盡謀叛本法兄弟三人妻小俱給付功臣之家爲奴財產入官陳卿等

俱牢固監候呈詳奏請施行照出陳卿陳奉等財產除官兵焚蕩搜獲外石返頭見遺房屋九十二間谷堆底西灣莊額地共五頃七十畝開墾無額山地數處不記頃畝三處房基一百九十一間俱各沒官撥給無產貧民住種地土起科納糧河南官軍得獲各賊原劫馬羸牛羊等畜共二千一百六十四匹頭畜內除馬羸八十一匹頭給軍騎操其餘俱發彰德府變賣價銀一千八百二十八兩四錢二分旗鼓弓箭盔甲銅銃槍刀牌杖等器共九百五件發解河南都司并彰德衛及林縣守禦千戶所各收庫預備官兵領用牛副使陳僉事等各

桂洲奏議

卷之四

五

部下官兵奪獲盔甲槍刀弓箭挨牌等器械俱發潞州貯庫備用搜獲頭畜贓物除牛副使賞軍公用外其餘變賣價銀貯庫俱作正支銷山西官兵混斬郭文深郭文禮等首級一十四顆俱查給屍親郭演等認領埋葬各處官兵斬獲首級耳記已經各該委官紀驗明白照例俱發各該官司轉發被害地方懸挂示眾招降男婦俱經解發原籍官司安插監故陳良等俱已差人相埋訖申川該納贖罪米七石照例折穀又該納官紙張景隆趙清俱民紙各一分每分照例八分折穀二分本色俱發潞州各照數追完穀納官倉備賑紙張收候公用

取倉庫實收領狀繳照其張法張玘等該納紙分審據  
各犯執稱貧難免追知縣蹇賢張友直判官項鑽吏目  
董光祖縣丞何應漢典史何智翟儒林祁士漢倉官賈  
文俱在任犯罪去任事發依律免究都指揮霍錦李鳳  
鳴指揮曾宣等千戶楊鈺宋琳等百戶黃金楊臣等知  
州郭鏗王朝雍知縣張巍州同知倪晷吏目張雲鵬夏  
瀛洲主簿謝景安朱璽典史吳淮張鏜千戶牛賓與在  
逃通判楊良臣俱另行弔來各衙門文卷發回備照等  
因會招備呈到臣會同山西巡撫劉大謨山西巡按王  
朝用河南巡撫潘垣河南巡按胡效才覆查相同除將  
桂洲奏議

卷之四

五

各該領兵大小官員擒斬收降功次輕重等第造冊奏  
繳外參照先巡撫山西今閑住常道以風憲大臣當拊  
循重任旣不克拯凋瘵以牧善良又不能宣威靈以戢  
姦宄徒以盜賊小警輒干朝廷大兵不勝貪功喜事之  
心殊無禦侮應變之略輕舉妄動爲國生事卒之勞師  
費財損威傷體追原致患之本實因首議之非都督魯  
綱身爲大將手握重兵五月奉命而八月啟行遷延孰  
甚嬰城坐守而縱賊出沒怯懦有徵及至進兵到山之  
時已在河南敗賊之後生擒二十三人盡屬監故寧免  
無寃斬首二十顆皆不知名難保非妄况先前請兵之

奏已涉虛張而後來報捷之文又不從實有負帥闡之  
寄殊非統制之材以上二臣俱爲有罪相應黜罰以爲  
文武重臣不職之戒爲照河南巡撫潘垣經濟有文折  
衝能武坐授方略而善於用人動中機宜而長於料敵  
明約誓以協羣師布寬令以全脅誘竟致諸軍用命一  
鼓成擒嘉乃忠勞功宜居最相應陞賞以勵臣工副使  
翟瓚總領哨兵深入重險躬擐介冑首破賊巢所在結  
聚之徒一時披靡而下推原克捷之效實著先登之勞  
副使牛鸞先期遇敵首剄賊鋒勒營要衝分兵深入頗  
彰不殺之信卒致收降之多僉事陳大綱兵力獨盛聲

桂洲奏議

卷之四

堯

威素揚不事窮誅盡降首惡久鬱平寇之略竟收得雋  
之功以上三臣論功爲上相應優賞以旌其能河南右  
叅政陶諧守據隘口振揚兵威督率奇兵邀遮賊路身  
雖當乎一路謀實贊于諸軍僉事溫濡督令奇遊擇守  
險要獨勤調度多所擒降久勞師旅之間大爲地方所  
賴僉事祁鶴監兵督餉隨陣紀功旣無缺乏之虞亦鮮  
冒虛之弊諸哨克捷咸與有功都指揮僉事徐溥英勇  
有謀步占奇驗督選鋒於前哨贊成算於中軍不避險  
難身先士卒以上四臣功俱可錄相應嘉賞以酬其勞  
山西右叅政李際可僉事楊朝鳳原係該道守巡屢經

失事一向住俸戴罪供事但曾經會議撫處不肯輒開  
兵端卽此一節未爲失謀制於撫臣事多掣肘罪坐所  
由情皆可亮况李際可勞於饋餉頗竭心思楊朝鳳勤  
於紀功亦多贊畫近日賑濟貧民處置地方屢次入山  
奔走勞勤觀其小心畏謹原非僨事之人所據後功足  
掩前失以上二臣則功多過少相應准贖更須量賞以  
獎忠實山西都指揮霍錦徒擁壯武之軀素乏謀勇之  
略舍夷冒險致折官軍素多輕敵寡謀首失事機非小  
但近日頗知懲創隨軍獲有微功祇應末減以示勸懲  
再照河南彰德衛指揮吳捷李塘丁始然梁文鄭存千

桂洲奏議

卷之四

李

戶胡宣百戶蔡堂許爵鄧賢李賢陳州衛指揮陳厚千  
戶張寅白相百戶達九思楊盈歸德衛百戶常永張堂  
守備都指揮王秉彝郭舉宣武衛指揮毛世威千戶郭  
璽懷慶衛指揮薛守直睢陽衛指揮湯卿余尙用于宗  
仁儀賓郝世昌湯陰縣知縣鄺奉主簿白鎮陰陽官李  
伸衛輝府檢校金鳳翔彰德府檢校雷雲以上各官俱  
河南副使翟瓚叅政陶諧僉事溫濡都指揮徐溥部下  
之有功者也山東青州衛指揮查瑤山西振武衛指揮  
曾宣太原左衛指揮胡廣太原右衛指揮李承祖潞州  
衛指揮莊文柴山臧鉞沁州守禦千戶所副千戶何緒

羽林前衛指揮馬璽應永羽林衛指揮葉堂河間衛指揮宋葵達官指揮孔璋千戶高盤潞州同知倪最澤州判官張澍壺關縣知縣江東典史吳淮平陸縣主簿尹塘高平縣典史張鏜沁州吏目夏瀛洲以上各官皆都督魯綱山東副使牛鸞山西僉事陳大綱都指揮霍錦部下之有劫者也中間如河南之李塘吳捷郝世昌等督率軍兵乘危奮勇雖無戰馘之次而實有衝鋒破敵之功山東之查瑤山西之曾宣既有部下及自擒首惡之功俱當查照功次輕重相應一體賞賚以勵人心但曾宣馬璽部下查有妄殺平民婦女首級吳捷毛世威

桂洲奏議

卷之四

空

薛守直部下亦有混殺婦女幼男首級李承祖先前被賊殺死官軍搶去官馬俱屬有罪但各官俱係有功曾宣宜量加罰治馬璽等相應准贖再照汾州知州郭鏗潞州同知倪最吏目張雲鵬夏瀛洲縣丞何應漢主簿謝景安朱璽典史張鏜係地方官不能及時剿捕衛輝府同知盛時雍知州黃海郭鏗王朝雍知縣張巍係紀驗官混收首級失於當時追究以致無從查考亦屬有罪但王朝雍郭鏗被虜賊中幾陷不測黃海等紀驗功次頗效勤勞其餘失事人員俱有微功相應准其贖罪及照知縣蹇賢潞州判官項鑽吏目董光祖縣丞何應

漢典史何智翟儒林祁士翰倉官賈文俱各失於撫捕但在任犯罪去任事發依律免究及照山西指揮王振鄭麟等千戶宋琳等百戶黃金楊臣朱祿等俱係失於防禦不行奮勇致賊殺死官軍相應提問以警將來再照潞州衛指揮柴山莊文柳勛唐儒千戶楊輔劉璇等俱係緣事官員報效有功所據原犯情罪未擬輕重合行巡撫衙門查照應否准贖徑自施行及照都指揮李鳳鳴指揮吳捷丁始然同知王都因聞山西官軍失利各就掣兵回還亦合有罪但李鳳鳴陞任吳捷等有功相應准贖免究再照在逃通判楊良臣已故監生李克

桂洲奏議

卷之四

奎

紀向主招撫之策未爲無見但行於敵殺官軍之後似於國法有礙頗駭物情然當時有能善用其謀亦足以潛消旣變良善得以安堵而首惡兇黨亦未嘗不擒奈何當事之人與之爭功忌其成事卒使二人避罪就逃憂憤而死但楊良臣原犯贓罪無足深惜而李克紀齎志以沒似亦可矜合無免良臣追提之罪許令致仕少酬其取還知州之勞於李克紀略加卹典以慰其生前報效之志庶明公論以勵人心再照被賊殺死指揮等官薛朝輝李爵秦洲及陰陽官宋楠等十一員并軍人賈增宋真等七十七名乞勅該部查照事例一體厚加

優恤以勵死事之臣再照首惡陳卿本山澤亡命盜賊  
兇渠劫脅愚氓敢爲叛亂屠戮一家無罪三人不一而  
足敵殺官軍動以數十已至再三卒勞五路官兵坐費  
十萬糧餉流毒兩省傳聞四方上厯聖主之憂下軫廟  
堂之慮惡已盈貫罪通於天及陳奉等三十餘名皆眞  
正強寇有名賊首罪不容誅但罪人斯得天誅不可久  
留伏乞聖明速賜威斷照律處決梟首以警羣心再照  
脅虜常得金等五十名俱該臣會審明白釋放已訖牛  
子經等男婦二千三百餘名俱經都御史王應鵬叅政  
邵錫安插已定多所全活所據二臣亦應量加旌賞再

桂洲奏議

卷之四

奎

照兵部原議賞格陛下依擬揭示黃榜內稱諸色人等  
有能擒斬陳卿父子及有名賊首的賞銀三百兩陞三  
級世襲軍陞實授百戶民陞土巡檢職事欽此查得原  
奏有能一人爲首倡率深入賊營招撫餘類五百名以  
上者陞實授二級自能招撫三百名以上者亦陞二級  
二百名者陞一級一百名以上者陞署一級連不及數  
者各賞銀三十兩內文職官員俱照等則陞級臣謂朝  
廷立此賞格蓋因叛賊久攻不下將恐勞師費財故懸  
示重賞以募非常謀勇之人欲以一夫之力而致其首  
惡也今以萬眾之師數道並進糜費供億何可勝算而

領兵官部下各以數千之眾僅能破之大勢所克非仗獨能乃欲援此受賞實於格例不合又況近日招收多係山中居民及婦人小口一槩驅虜以充招降之數全家係累舉室焚蕩罹此慘酷民實何辜以此爲功恐非事實除已造冊分別外臣愚欲乞陛下直當嘉其平賊之功勅下兵部照冊斟酌輕重定擬陞賞不必引用原日賞格庶於事理不悖賞當其功再照巡撫山西都御史王應鵬未奉欽依輒已行賞殊非事體但臣訪究守巡等官皆言當時破賊之後入城之時諸路官兵頗爲驕縱囂然求賞山東槍手俱係礦賊其在地方騷擾尤

桂洲奏議

卷之四

奏

甚而領兵者不能禁戢且有要挾之言故王應鵬慮有意外迫不得已將京邊官軍及山西山東官兵一槩賞訖今將該州原造賞功銀兩數目文冊另造清冊一本送兵部徑自查議應否奏請定奪再照據潞州造到賞功文冊及河南造到軍餉文冊內查得都督魯綱副使牛鸞除受金花各二枝共折銀一十六兩八錢銀花各二枝共四兩賞功銀牌各一面共銀六十兩紵絲各二疋綵帳各一幅共折銀二十九兩六錢外又接受盤纏銀各五十兩手帕各五十方大花紬各四疋又查得魯都督入山受銀四十兩牛副使入山受銀五十兩又於

河南彰德府經過索受犒賞銀六百三十兩及查得山東官兵賞功銀二千三百兩俱牛副使持去河間官軍賞功銀四百兩俱魯都督持去取獲批單在卷不見給賞下落所據接受盤纏入山銀兩及手把花紬一節事干行檢况係官庫錢糧合當追究以警貪縱再照御史穆相蔣暘巡歷山西地方先後論列實有隱功相首議撫卒賴其說足以救民命於鋒刃之餘暘薦諸臣竟用其人以收平寇之績二臣可謂無負耳目之寄有裨廟堂之謨者矣相應酬獎以勵臺賢再照前項山賊醞釀已非一日節年地方官員失於撫捕亦非一人但陳卿

桂洲奏議

卷之四

奎

原日非盜祇因已故僉事王琳誣坐死罪頗失其情然自脫逃以來遂無藉賴此爲激迫之始至於近年蹤跡愈著自兩次敵殺官軍之後聲勢大張失今不早撲滅將來則有可憂茲者仰賴陛下明照日月威行雷電廟堂決謀將士戮力渠魁旣已授首脅從悉蒙全宥羣情慰悅地方底寧所據諸臣功罪實得於訪勘之眞臣誠不敢避嫌辭怨有所容隱以負陛下當求至公之訓但常道昨於進兵之日尙在地方驅馳兵間頗勤調度向來行事乖刺固亦才識非優亮非有心敢於爲惡綱以武人兵本兇器諸軍四集各欲奮威非賴朝廷仁聲寬



